



AUTORIDADE MUNICIPAL DE COVALIMA



Presidente Autoridade do Município de
COVALIMA

Suai, ____/06/2025

Aprezentasaun

KOMPETENSIA MEMBRU KONSELLU KOODENASAUN MUNISIPAL

● Servisu Munisipal ● Servisu Delegasaun Teritorial ● Administrador Postu Administrativu

Husi :

Gabinete Apoio Tekniku - PAM

Seksaun IV
Órgaun Koordenasaun
Artigu 38

Konsellu Koordenasaun Munisipál

Konsellu Koordenasaun Munisipál maka órgaun ne'ebé fó apoiu ba Prezidente Autoridade Munisipál hodi koordena atividade atuál sira hosi órgaun no servisu sira governu lokál nian no hodi halo avaliasaun periódika ba atividade sira ne'ebé hala'o hosi ida ikus ne'e.



Poder sira Konsellu Koordenasaun Munisipál nian

Konsellu Koordenasaun Munisipál mak responsavel ba:

- a) Pronúnsia kona-ba kestaun jerál sira relasiona ho funsionamentu no atividade sira ne'ebé dezenvolve hosi órgaun no servisu governu lokál sira no define estratéjia asaun ne'ebé nesesáriu ba hadí'ak progresivu kualidade bens no servisu públiku sira ne'ebé fornese iha munisípiu;
- b) Pronunsia kona-ba sufisiénsia rekursu finanseiru sira ne'ebé sei aloka ba órgaun no servisu governu lokál nian, hosi Orsamentu Jerál Estado nian, ba ezersísio kbiit ne'ebé legalmente monu ba sira;
- c) Aprova rekomendasaun no opiniaun sira kona-ba kestaun sira relasiona ho organizasaun, funsionamentu, jestaun rekursus umanus no relasaun governu lokál nian ho administrasaun sentráal no ho organizasaun komunitária sira;

- d. Aprova opiniaun sira kona-ba política pública no programa governu nian ne ebé afeta administrasaun lokál no formula rekomendasaun nesesária ba ida-idak nia korresaun no atualizasaun;
- e. Asegura troka esperiénsia entre dirigente administrasaun lokál sira, ho hanoin atu garante sira-nia asaun koordinada iha munisípiu;
- f. Aprova planu dezvoltamentu munisipál ne'ebé propoin, hafoin konsulta Konsellu Konsultivu Munisipál, no hato'o, liuhosi Prezidente Autoridade Munisipál, ba membru Governu responsável ba administrasaun estadu nian;
- g. Aprova proposta ba planu emerjénsia munisipál no protesau sivil, hafoin konsulta Konsellu Konsultivu Munisipál, no submete, liuhosi Prezidente Autoridade Munisipál, ba aprovasaun hosi membru Governu ne'ebé responsável ba protesau sivil;
- h. Aprova proposta ba parke eskolár munisipál, hafoin konsulta Konsellu Konsultivu Munisipál, no hato'o, liuhosi Prezidente Autoridade Munisipál, ba aprovasaun hosi membru Governu ne'ebé responsável ba edukasaun;

- | | |
|----|--|
| i. | Aprova proposta ba rede munisipál sentru no postu saúde nian, hafoin konsulta Konsellu Konsultivu Munisipál, no hato'o, liuhosi Prezidente Autoridade Munisipál, ba aprovasaun hosi membru Governu ne'ebé responsável ba área saúde nian; |
| j. | Aprova proposta ba planu estrada munisipál, hafoin konsulta Konsellu Konsultivu Munisipál, no hato'o, liuhosi Prezidente Autoridade Munisipál, hodi hetan aprovasaun hosi membru Governu responsavel ba área obras públicas, transporte no komunikasaun sira; |
| k. | Aprova proposta planu mobilidade no sinalizasaun, hafoin konsulta Konsellu Konsultivu Munisipál, no submete, liuhosi Prezidente Autoridade Munisipál, ba aprovasaun hosi membru Governu responsável ba área obras públicas, transporte no komunikasaun; |
| l. | Aprova proposta planu asaun munisipál ba kestaun jéneru, hafoin konsulta Konsellu Konsultivu Munisipál, no submete, liuhosi Prezidente Autoridade Munisipál, ba aprovasaun hosi membru Governu ne'ebé responsável ba área apoiu no promosaun sosioekonómika feto nian; |
| m. | Aprova proposta sira kona-ba regulamentu munisipál sira kona-ba oras abertura nian ba atividade komersiál sira, venda ambulante no jestaun merkadu nian, hafoin halo konsulta ho Konsellu Konsultivu Munisipál, no hato'o, liuhosi Prezidente Autoridade Munisipál, ba aprovasaun hosi membru Governu sira ne'ebé responsável ba área sira komérsiu no indústria nian; |

- | | |
|----|---|
| n. | Aprova proposta planu investimentu munisipál, hafoin konsulta ho organizasaun komunitária no assembleia postu administrativu sira; |
| o. | Aprova planu sira ba evakuasaun edifísiu públiku no instalasaun kolektiva sira iha situasaun emerjénsia, bazeia ba proposta hosi Prezidente Autoridade Munisipál; |
| p. | Aprova planu munisipál ba prevensaun no kombate korrupsaun, bazeia ba proposta husi Prezidente Autoridade Munisipál; |
| q. | Aprova planu munisipál ba prevensaun no kombate inséndiu florestal, bazeia ba proposta husi Prezidente Autoridade Munisipál; |
| r. | Aprova proposta ba projetu sira ne'ebé atu hetan subsídiu, liuhusi Programa Nasionál Dezenvolvimentu Suku (PNDS), iha área munisípiu nian; |
| s. | Fó pareser kona-ba proposta sira ba planu asaun anuál, orsamentu anuál, planu fornecimentu munisipál no planu formasaun anuál ba rekursu umanu autoridade munisípiu respetiva nian; |
| t. | Aprova relatóriu progresu anuál kona-ba implementasaun fízika no finanseira planu dezenvolvimentu munisipál nian, hafoin konsulta Konsellu Konsultivu Munisipál, no submete, liuhosi Prezidente Autoridade Munisipál, hodi hetan aprovasaun hosi membru Governu responsável ba área administrasaun estadu nian; |

u.	Aprova relatório progressu anual kona-ba implementasaun física no financeira ba planu emergjênsia no protesaun sivíl munisípiu nian, hafoin konsulta Konsellu Konsultivu Munisipál, no submete, liuhosi Presidente Autoridade Munisipál, ba aprovasaun hosi membru Governu ne'ebé responsável ba área protesaun sivíl;
v.	Aprova relatório progressu anual kona-ba implementasaun física no financeira sistema eskolár munisípiu nian, hafoin konsulta Konsellu Konsultivu Munisipál, no submete, liuhosi Presidente Autoridade Munisipál, ba aprovasaun hosi membru Governu responsável ba área edukasaun nian;
w.	Aprova relatório progressu anual kona-ba implementasaun física no financeira rede munisípiu sentru no postu saúde nian, hafoin konsulta Konsellu Konsultivu Munisipál, no submete, liuhosi Presidente Autoridade Munisipál, hodi hetan aprovasaun hosi membru Governu responsável ba área saúde nian;
x.	Aprova relatório progressu anual kona-ba implementasaun física no financeira planu estrada munisípiu nian, hafoin konsulta Konsellu Konsultivu Munisipál, no submete, liuhosi Presidente Autoridade Munisipál, ba aprovasaun hosi membru Governu sira ne'ebé responsável ba área sira obras públicas, transporte no komunikasaun sira;
y.	Aprova relatório progressu anual kona-ba implementasaun física no financeira ba planu mobilidade no sinalizasaun, hafoin konsulta Konsellu Konsultivu Munisipál, no submete, liuhosi Presidente Autoridade Munisipál, ba aprovasaun hosi membru Governu sira ne'ebé responsável ba área obras públicas, transporte no komunikasaun;

- z. Aprova relatóriu anuál kona-ba progresu implementasaun fízika no finanseira planu asaun munisipál nian ba kestaun jéneru nian, hafoin konsulta Konsellu Konsultivu Munisipál, no submete, liuhosi Prezidente Autoridade Munisipál, ba aprovasaun hosi membru Governu responsável ba área apoiu no promosaun sosioekonómika feto nian;
- aa. Aprova relatóriu progresu sira kona-ba implementasaun fízika no finanseira ba planu investimentu munisipál no projetu sira ne'ebé finansia liuhosi Programa Nasionál Dezenvolvimentu Suku nian, hafoin halo konsulta ba assembleia postu administrativu sira, no ható'o, liuhosi Prezidente Autoridade Munisipál, ba membru Governu ne'ebé responsavel ba administrasaun estadu nian;
- bb. Fó pareser kona-ba relatóriu anuál kona-ba progresu implementasaun fízika no finanseira planu asaun anuál, orsamentu anuál, planu aprovizionamentu anuál no planu formasaun anuál munisipál ba rekursu umanu;
- cc. Hala'o knaar seluk ne'ebé superiór sira fó ba nia no ne'ebé la'ós responsabilidade órgaun seluk ka servisu administrasaun lokál Estadu nian.

Artigu 40

Kompozisaun

1. Konsellu Koordenasaun Munisipál kompostu husi:

- | | |
|----|---|
| a. | Prezidente Autoridade Munisipál, ne'ebé prezide enkontru sira; |
| b. | Sekretáriu Munisipál sira; |
| c. | Diretór sira Servisu Munisipál nian; |
| d. | Líder máximu sira hosi delegasaun territoriál sira ne'ebé bazeia iha munisípiu; |
| e. | Administradór sira husi Postu Administrativu sira; |
| f. | Xefe Suco ida, eleitu husi Assembleia Postu Administrativu ida-idak. |

2. Presidente Autoridade Munisipál konvida indivíduu sira seluk ne'ebé nia konsidera relevante ba serbisu órgaun ne'e nian, tanba asuntu sira ne'ebé diskute hela, atu partisipa iha reuniaun sira Konsellu Koordenasaun Munisipál nian, lahó direitu ba votu.

Artigu 41

Operasaun

1. Konsellu Koordenasaun Munisipál halibur ordináriamente fulan ida dala ida no estraordináriamente bainhira de'it Prezidente Autoridade Munisipál konsidera nesesáriu ka, mós, tuir pedidu um tersu hosi ninia membru sira.
2. Enkontru Konsellu Koordenasaun Munisipál konvoka no prezide husi Prezidente Autoridade Munisipál.
3. Konsellu Koordenasaun Munisipál delibera kona-ba estabelesimentu komisaun espesializada ka grupu traballu hodi analiza asuntu ka asuntu espesífiku sira.
4. Regra sira ne'ebé hatuur iha artigu 22 to'o 31 husi Dekretu-Lei Nú. 30/2020, loron 29 fulan Jullu, sei aplika ba Konsellu Koordenasaun Munisipál.



AUTORIDADE MUNICIPAL DE COVALIMA



**Presidente Autoridade do Monicípio de
COVALIMA**



**Mak ne'e de'it ba Ita boot sira hotu nia presensa lahaluha hatu'o bom
trabalho no obrigadu barak.**